

Inatsisartut Suleriaasianni § 32, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Kalaallit Nunaanni Inatsisartut aallartitaasa siulittaasuat, Josef Motzfeldt, imaattumik aalajangiiffigisassatut siunnersuuteqarpoq:

Nunat Avannarliit Killiit Siunnersuisoqatigiiffiata aalajangersagaa nr. 1/2009 Inatsisartunit taperserpeqarnissaa pillugu Inatsisartut aalajangiiffigisassaattut siunnersuut, aalajangersagaq ima oqaasertaqarpoq:

**Nunani pingasuusuni ilinniagaqartut avitseqatigiittarnissaat siunertaralugu ilinniarnertuunngorniarfiit (akunnattumik sivirususilimmik ilinniartitaanerit) akornanni suleqatigiinnermik aallartitsinissamik Savalimmiuni Naalakkersuisut, Kalaallit Nunaanni Naalakkersuisut Islandillu Naalakkersuisui suliniuteqaqqullugit Nunat Avannarliit Killiit Siunnersuisoqatigiiffiannit kaammattorneqarput. Aammattaq suliniummut atatillugu aningaasartuutit matussutissaannik aningaasanik immikkoortitseqqullugit nunat naalakkersuisui kaammattorneqarput. (Josef Motzfeldt, aallartitat siulittaasuat)**

#### **Tunngavilersuut:**

Nunani pingasuusuni taakkunani innuttaasut nunat allat pillugit ilisimasaasa annertusarneqarnissaat aalajangersakkakut anguniagaavoq. Nunani allani piffissami aalajangersimasumi inuusuttut najugaqartinnerisigut tamanna pissaaq, taamaalillutik nunat akornanni kulturikkut assigiissutsit assigiinngitsutillu ilisimasaqarfigilerlugit.

Ilinniarnertuunngorniarfittut qaffasissusillit siunnersuummi aallaavigineqarput, taama ukiulinni akuleriissinnaanerup annertusarnissaa pitsaanerpaassasoq ilimagineqarmat. Ilinniarnertuunngorniarfittut qaffasissusillit matumani pineqartut tassaapput ilinniarnertuunngorniarfiit, niuernermik ilinniartuutit, tekniske skolit, lærlingitut ilinniartuutit assigisaallu. Nunani pingasuusuni tamani ilinniarnertuunngorniarfittut qaffasissusillit ineriartortinneqarluarsimapput ilinniagaqartunut ilinniartitaanernik amerlasuunik neqeroorteqarfiusut, taamatuttaarlu nunani taakkunani pingasuusuni assigiittorujussuusut, taamaalillunilu tapertaaliilluni ilinniarnissamat periarfissaqarfiusut.

Toqqagassaq alla tassaavoq assersuutigalugu ingerlaqqiffiusumik ilinniartitaanerni annertunerusumik akuleriisitsinikkut ingerlaannartumik killilersuisoqassaaq, tassami neqeroortit taakku Savalimmiuni Kalaallillu Nunaanni killilerujussuummata.

AFS-imut assingusumik aqqissuussisoqarnissaa siunniunneqarpoq, tassa imaappoq ilinniagaqartut avitseqatigiittut nunani qaaqquisuusuni ilaqutariinni najugaqartarlutik. Taamaalilluni nunami qaaqquisuusumi pissutsinik paasisaqarnissamat annertunerpamik periarfissiisoqassalluni.

Ilinniagaqartut avitseqatigiinnerat angalanernut najugaqarnermullu aningaasartuutit qaffannerannik malitseqassaaq, ilinniagaqarnerisutitut ilinniartitsinermullu aningaasartuutit allangussanatik. Suliniummut atatillugu nunat pineqartut aningaasartuutit matussutissaannik immikkoortitsinissaat kaammattuutigineqarpoq.

Nunat akornanni oqaatsitigut aporfissat pillugit apeqquummik siunnersuut pinngortissaaq. Nunami qaaqquisuusumi ilinniagaqartut ilinniartinneqarsinnaanissaat pillugu ilinniartitsinerup ilinniagaqartut oqaatsit paasisinnaasaat atorlugit ingerlanneqarnissaa pingaaruteqarpoq. Ajornartorsiut tamanna aqqissuussinerup atuutilinnginnerani oqal-lisigineqartariaqarpoq sulissutigineqartariaqarlunilu.